

CONVENIO DE COLABORACIÓN ENTRE O SEMINARIO GALEGO DE EDUCACIÓN PARA A PAZ E O CONCELLO DE SANTIAGO PARA A PROMOCIÓN DA DECLARACIÓN UNIVERSAL DOS DEREITOS HUMANOS ENTRE A COMUNIDADE EDUCATIVA

Santiago de Compostela,de.....de 2017

COMPARECEN

O Ilmo Sr. D.Martiño Noriega Sánchez, que actúa en nome e representación do CONCELLO DE SANTIAGO DE COMPOSTELA, do que é Alcalde. E da outra parte, Sr^a. María Inmaculada Rúa Parada, con D.NI núm 34996248T, representante da entidade Seminario Galego de Educación para a Paz, con N.I.F. G 152.184.07, inscrita no Rexistro Nacional de Asociacións có núm. 86713 dende o 2 de xuño de 1989 e domicilio social en Lugar de Fraís, núm. 41 Santa María de Vilvestro en calidade de Presidenta, coas competencias que lle confire o artigo 14.2 dos seus estatutos .

Ambos comparecentes recoñécense mutuamente capacidade plena para o presente outorgamento na condición en que respectivamente interveñen e, en consecuencia:

MANIFESTAN

I.- A súa vontade de colaboración para a promoción da Declaración Universal dos Dereitos Humanos entre a Comunidade Escolar do Concello de Santiago de Compostela a través da elaboración e distribución de material didáctico.

II.- Ambas as dúas institucións consideran moi conveniente a colaboración mutua co obxecto de contribuír a unha maior sensibilización da promoción da Declaración Universal dos Dereitos Humanos, en especial entre a comunidade educativa.

CONVEÑEN

I: Que o presente Convenio ten por obxecto difundir a Declaración Universal dos Dereitos Humanos entre a Comunidade Escolar a través da reedición da Declaración Universal dos Dereitos Humanos en conxunto cos Dereitos do Neno e da Nena.

II: O Concello de Santiago de Compostela achega unha cantidade de 2.000 € para sufragar os custes da realización do obxecto deste Convenio, para os que conta con dotación orzamentaria na aplicación 080.32600.48900 do exercicio 2017.

III: O Seminario Galego de Educación para a Paz, responsabilízase da reedición e distribución do material didáctico entre a comunidade educativa.

IV: Consonte o artigo 30.1 da Lei 38/2003 considéranse gastos subvencionables aqueles que, de xeito indubidable, respondan á natureza da actividade subvencionada, e se realicen no prazo establecido neste convenio. En ningún caso o custo de adquisición dos gastos subvencionables poderá ser superior ao valor de mercado.

Os gastos contemplados neste convenio deberán referirse a gastos derivados do desenvolvemento da elaboración e distribución entre a comunidade educativa do material didáctico . En ningún caso poderán xustificarse gastos derivados da compra de bens inventariables, consonte o artigo 31 da Lei 38/2003.

Esta subvención, de acordo co sinalado no artigo 28.3 a) da Lei 38/2003, do 17 de novembro, xeral de subvencións, ten carácter singular co obxecto de facer realidade e por en práctica os obxectivos expostos, tendo en conta a especificidade do obxecto da colaboración, e consonte o previsto no artigo 26.2 a) da Lei 9/2007, do 13 de xuño, de subvencións de Galicia, emprega o procedemento de convenio de colaboración, polo que non procede a súa convocatoria pública.

V: O Seminario Galego de Educación para a Paz deberá xustificar o orzamento deste convenio antes do 23 de novembro do ano 2017.

VI: O Seminario Galego de Educación para a Paz comprométese a elaboración e distribución entre a comunidade educativa do material didáctico e a presentar unha Memoria das accións incluídas neste programa, onde se faga referencia as actividades que se promoven e outros datos que permitan ao Concello de Santiago estar informados en todo momento sobre o mesmo.

VII: Para a xustificación do orzamento o Seminario Galego de Educación para a Paz comprométese a xustificar os gastos, de acordo co fin para o que se concedeu a subvención, que deberá realizarse presentando no Rexistro Xeral do Concello de Santiago a conta

xustificativa con achega de xustificantes de gastos emitidos e pagados antes do 23 de novembro de 2017, consonte o artigo 72 do Real decreto 887/2006.

A conta xustificativa conterá ademais a seguinte documentación:

- Unha relación detallada doutros ingresos ou subvencións que financiasen o proxecto ou actividade subvencionada, con indicación do importe e da súa procedencia.
- Declaración das subvencións solicitadas, concedidas ou que aínda están pendentes de conceder.

VIII: O incumprimento destas obrigas dará lugar á revogación da subvención. Producirase a perda do dereito ao cobramento total ou parcial da subvención no suposto de falta de xustificación ou de concorrencia dalgunha das causas previstas no artigo 37 da Lei 38/2003.

IX: O importe da subvención especificada neste convenio, cando proceda o seu pagamento, deberá ser ingresado na conta número ES73 2080 0319 6130 4001 4623- SEMINARIO GALEGO DE EDUCACIÓN PARA A PAZ.

X: De acordo co disposto no artigo 18.4 da Lei xeral de subvencións deberase dar axeitada publicidade do financiamento do Departamento de Educación e Cidadanía do Concello de Santiago de Compostela para este convenio (tanto na comunicación oral como na escrita). Para tal efecto, o Departamento de Educación e Cidadanía facilitará ao Seminario Galego de Educación para a Paz o logotipo oficial que deberán utilizar na documentación e información visual e escrita.

Os comparecentes, no seu concepto no que o fan, dan a súa conformidade ao presente convenio de colaboración, asinándoo por duplicado en proba da mesma, no lugar e data expresados no encabezamento.

A representante da entidade Seminario Galego de Educación para a Paz

O alcalde-presidente do Concello de Santiago de Compostela

Inmaculada Rúa Parada

Martiño Noriega Sánchez